

Von Gott kumpt als was oben leit,  
Drumb mercks on spott/  
Es rahr dirs Bock/  
Von Gott wurts beschert/  
Der gibt vnd lehrt/  
Wies im gefelt/  
Ers als erhelt.

Dem sei lob ehr vnd grosser danck/  
Speißkammer halt in seiner handt.

## Die Speißkammer führt jr ganz Argument in klags weiß.

**V**il schaden ongefell/  
Dringt täglich vber dschwell/  
Feuchter lufft schaden thüt/  
Der Brachmonat meints nit gut/  
Vil Mucken senden thüt/  
Wehr dort/wehr hie mit hüt.  
Das Wasser laßt nit nach/  
Grossen schaden vil schmach/  
Der regen mit sich bringt/  
Dhiz vnd hundes tag vns zwingt.  
Milch/Wolcken/Butter/Käß/  
Offe stincken/werden räß.  
Honig/Zucker/Confect/  
Als den Ameissen schmeckt/  
Schlieffen auß der erden/

Was